

Уолбут учаастактаабы балыһата

Национальной архивка Наркомздрав фондаларыттан сирдэттэххэ, Уолбукка бастакы көһөрүллэ сылдыар, сурукка киирэринэн «разъездной фельдшерский пункт» 1940 сыллаахха көрүллүбүт эбит диэн сабаҕалыахха сөп. Бу пуун ити сыл бастаан «акушерской» диэн тэриллэн баран, «фельдшерскэйгэ» уларытыллыбыт уонна Уолбут, Майыар энээр тарҕанан олорор учаастактары хааччыйбыт.

Уолбукка улэлээбит бастакы эмчит биэлсэр Игнатъев Семен Васильевич эбит. Эмтиир пуун «Тумсуу» холкуоска олохтоохтук тэриллэн 1943 сылтан улэлээбит буолуон сөп. Оройуон доруобуйатын харыстабылын 1945 сыллаагы отчуотуттан манна Татьяна Васильевна Малышева, П.А. Петров кэргэнэ сэбиэдиссэйдээбитин туһунан чуолкайдыбыт. Ити кэмнэ медпуунна иккис улэһит, санитарка штата корүллүбүт.

Эргэ Уолбукка уонна Киэн Күөлгэ кэлэн барбыт эрдэтээнни эмчиттэртэн 1948-1948 сс. Ашихмина Любовь Алексеевна, 1951 с. Михалева Людмила Павловна, 1952-1955 сс. Рудикова Мария Федоровна, 1956-1960 сс. Винокурова Маргарита Федоровна, Осенчугова Надежда Дмитриевна (1963 с.), Лебедев Иван Иванович (1966 с.), Суздалова Анна Ильинична (1968-1969 сс.) ааттара оройуон архыыбыгар баар штатнай расписаниелартан, биэдэмэстэртэн билиннилэр. 1960-с сылларга ФАП-ка Николай Николаевич Жирков, Анна Егоровна Хоброва у.д. а. улэлээбиттэрэ.



Диспансеризацияға айан

1970 сыллаағы бастакы Ленинскэй куоталаһыы түмүгүнэн Уолбутаагы ФАП иккис миэстэҕэ тахсыбыт. Куойка күнүн былаана 107 % туолбут. Сэллигинэн ыалдыааччылары эмтээһин учугэйдик тэриллитбит. Оҕо ыалдыан өлүүтэ таһаарыллыбатах. Санитарнай-профилактической улэ тупсарыллыбыт («Хотугу кыым», № 9 (1534), 30.01.1971).

1970-с сылларга оройуон киин балыһатын улэһиттэрэ Уолбут нэһилиэгин кытта ыкса сибээстээхтик үлэлээбиттэрэ, эмтиир-чэбдигирдэр үлэни таһынан тыа хаһаайыстыбатыгар кытта доҕордуу көмөнү онорон, олохтоохтор махталларын ылаллара. Аҕа көлүөнэ эмчиттэр оччотооҕу хаһыат матырыйаалларын аахтаһарына, ол куннэри бу баардыы ойдоон кэлиэхтэрэ дии саныбын.



Доруобуйа харыстабылын ветерана, өр сылларга сэбиэдиссэйинэн, кылаабынай бырааһынан улэлээбит Дохунаева Антонина Алексеевна.

Кини 1969 с. үөрэҥин бүтэрэн ФАП-ка ананан кэлэригэр, барыта үс үлэһит көрүллэр эбит. Ол курдук акушерка Хоброва Анна Егоровна, санитарка Слепцова (Жиркова) Евдокия Прокопьевна буолан улэлээбиттэр. Кини иннинэ Суздадова Анна Ильинична, онтон 70-с сылларга Жирков Николай Николаевич, Образцов Виктор диэн биэлсэрдэр үлэлээбиттэр.

2005 сылтан балыыһа сэбиэдиссэйинэн биэлсэр Дохунаев Владимир Семенович ананар. Сыл аайы нэһилиэнньэ муньахтарыгар балыыһа өрөмүөнүн, быраас, лабораан боппуруоһа турар. 2008 сылтан «Доруобуйа» национальной бырайыак сүннүүнэн электрокардиография аппараатын, медицинскэй холодильнигы, эмкэ аналлаах ыскааптары, сана ороннору ылаллар. Нэһилиэнньэни сыстыганнаах ыарыылартан вакцинациялааһын үлэтэ тэриллэр. Эбии эминэн хааччыллыы (ДЛО) программата олоххо киирэр.

2010 с. олохтоохтор уһун сыллаах туруорсууларга үтүө түмүктэнэн, педиатр быраас Данилова Айталина Кузьминична ананан кэлэр. Инньэ гынан балыыһа үлэтэ-хамнаһа сэргэхсийэ туһэр. Эдэр бырааһы сэргэ бары уопуттаах, билиилээх эмчиттэр - биэлсэр Дохунаев Владимир Семенович, патронажнай сиэстэрэ Корякина Априлина Прокопьевна, сиэстэрэнэн акушерка идэлээх Стручкова Галина Гаврильевна - эргиччи кыахтаах коллектив тигинэччи үлэлиир. Тэрилтэ нэбилиэккэ, улууска ытыллар бары тэрээһиннэргэ, күрэхтэргэ ситиһиилээхтик кыттар.



2011 с. участковой терапевтын Дьулустаан Захарович Васильев ананан кэлэр. 2012 с. балыһа өрөмүөннэнэр, тас өттүттэн профлиһынан үлэһиттэр бэйэлэрэ тутан-хабан бүрүйэн онгортон кэбиһэллэр. Бу күннэ Уолбукка дьон эмтэнэр усулуобуйатын хааччыйыга, эмчиттэри сэргэ санитаркалар Надежда Гаврильевна Мыреева, Зоя Васильевна Жиркова, абытанабы тэрийээччилэр Мария Гаврильевна Дохунаева, Евгения Евгеньевна Кононова, Екатерина Сергеевна Рязанская, оробуочай Михаил Гаврильевич Дохунаев уонна кочегардар Игорь Иванович Горохов, Андрей Егорович Слепцов үлэлиллэрин бэлиэтээн аһар тоһоостоох.

Киэн Күөл балыһатын билинни сүрүн сыала-соруга - эдэр орто анал үөрэхтээх каадырдары аһалан олохсутуу. Бастатан туран сиэстэрэ уонна ыарыһаны кэтээн эмтииргэ, диагноһы харах көрүүтүнэн эрэ буолбакка, чинчийи көмөтүнэн туруорарга хайаан даһаны лабораан баар буолуохтаах. Кинилэр олоһор усулуобуйаларын тэрийиигэ, идэлэрин салгыы урдэтиигэ учаастактааһы балыһа, нэһилиэк да салалтата күүстэрин холбуур бигэ санаалаахтар.